



劉子威集卷之五

長洲劉鳳子威撰

賦

物色

荷花賦

黃河水音句

詩云隰有荷花予哀其能自疎擢淖
汙泥之中也爲賦之

靚嘉卉之韡曄皎清姿於滔陸鏡發艷以麗閒

散薌澤於芳沐。流泉漱止以朝夕。擢脩挺之颺。颺莖薊菴而被風。豈誇介於污瀆。嗟潔鮮之未足。曳予袂以荷裯。析芳杜之爚煜。然芬葩之沉藏。伊可懷而不可蓄。爾其揚采綴縟。專與蔓藂雜。以屏風滋以五沃。妍不怙媚馨而不酷。勃窣游波蓊森水澳。含朝煙以弄態。逞逸華以自馥。思皦朗之燦新。倚明燿於佩服。越都房以柔膩。紛萎蕤而拆副。芳福切温晏晏其綺光。刻豐潤於

若玉。離立謫以誕節。喟丹顏旋爾之蹉跎。佻佻逃其適宕。桀斜睨而焉欲。介眇志之遠揚。譬不羣於幽獨。翔霞騫而闡藹。中抑絕以如束。嘶曾敷之流寒。迴照影於空谷。綺綺涖以菲菲。榮迤靡而盈矚。溢汰嬌於遺媚。諒芬烈之彌篤。儀時晚而淹徐。悵徊徨以意伏。苾媯然之餘韻。遠繚繞而更續。蕩淫鬻以翻翻。映石菑之淒旭。絳諸于之沛以紅颺。澌澌潭漉而婷目。縞荃越以翠氣。又亭亭而類白鵠。戲游魚於東西。婉光娛之

相逐。姝靜女以蠱悅。憐清揚何頎而媛淑。帔若英之縹纒。炯昭爛於偏襲。舉中流以芙蓉。傷露下之踈躑。乘夕蒞而鼓柁。浪隱阨以反覆。歌曰雲爲蓋兮霧爲轂。掇水芝兮光曜燭。捐予玦兮思翬翬。江之浦兮芳可掬。捋婁地兮緜池曲。千秋萬歲兮賴恩渥。叶烏谷切

脩竹賦

翩綿渺之清漪。倚脩竹之便娟。何墳延之厚潤。紛容容以流泉。寫崖灌之沃若。散澂霧以淪漣。

蔚纖條之柔縱。泮浦夢而繁妍。縹芊策以輕颺。蕩篁篠之榮鮮。歲蕤曾枝之荏弱。矯冉冉而爭憐。莞樸遯之胡取。芳茂悅之躑躅。倏蘗莅以飄舉。翹僂招於杪顛。被潭沲徒可切之空曲。媚傑池之嫣然。擢脩尋以秀挺。睨羅生之聯延。爾其攢竦離立。扶疎婀娜。縈紆積累。浸士心切潭以心切涯。洿叶苦何切抽萌含籜。沛靡交加。掩藹香越。糾繆紛葩。葉葉清瑒。淥水曾波。萋萋菲菲。扈扈峩峩。虛聞蕭爽。淹露漸柯。攬結未及。陪鯁擊薄波切莎屬。

澹漱而盈視。眇靖嶸於陽阿。緣傾岸以循坂。雜
笙籟而相和。龍蛇奏而繁會。忽悠遠而若何。巖
嶇嶮以澀澀。泠蕭蕭以杳冥。蕩森楚之碧滋。簞
莘莘而菁榮。薄委解以澤粉。夏相摩而曳青。滂
蒼莨之拂汨。彌碣駭以摧莖。筠易序其勿改。覆
積霰於山之陁。寒淫淫以切紫。簞蹇產以精瑩。
直似廉而不劇。鬱何美以脩姱。片天矯以誕節。
空容與於幽遐。重崒起而特高。勁牢刺之戾斜。
翠為蓋而若偈。傑流亂以崇賒。於是漩激熈暴。

眩磕楸攏。被麗繆緹。稍屑檄縮。靜夜含飈。增涼
去燠。崔錯淋礪。幡幡相續。煥爛斐尾。駢田林麓。
蚡螭蜿螭。若往若復。汨湟雲撓。燁如而穆。或乃
飄風未終。零雨灑浙。密櫛潺澗。離披菴浥。抗絕
解散。朽詣逆折。或乃飛煙乍淒。隱隱沉沉。紛文
溢映。豐融繡慘。噴勃淹遠。漠泊陰深。至夫殘霞
微澹。迥月斜浮。照以繁雪。汎以新流。鏤影雜襲。
合選牢鍤。姿映相發。媵媵其柔。嚮清越以爽潔。
漂不還而駘蕩。影游龍之羣翔。光濛濛而不可

狀舒鳥峙之若頰。豈媚妖而能況。隆質幹之信
 貞。籜何裊而競上。理溫潤以緝栗。羌枝葉之條
 暢。槩遠次其櫛。蠹畜。箴放縱以絞壯。端有似乎
 君子志。沈苑而懷亮。肆撇天之奄忽。浮雲驤而
 還望。苞瓌瑋之難忘。焉硜硜而為快。寧執節之
 不移。猶憑心而惻愴。荷明德之隍達。獨歲襲而
 相向。叢篔簹之瞥桀。終連卷之交讓。從嫫嫫其
 媚媮。稔凌厲其可仗。慨洞滌之疏內外。發揚而
 橋伉。曾熒郁之委垂。焮然不可以軌量。吹律呂
 之相切。材足當於品象。析微霜之下淪。湊瀏漂
 以窳窳。彼芳草之萋薺。梗其有異於臯壤。惟伶
 倫之擅巧。思嶰壑之安昉。苟裁擬之得衷。裂金
 石以借響。

後脩竹賦

僕已為脩竹賦。意有不適。復綴後篇。
 惟卉草之滋類。兮嘉竹箭之美名。箨箬簪以浩
 衍兮。族籊七見。箐士見之旅生。奕垂蔭之蓊蓊。
 兮。紛要遮之縱橫。光切。胡榮色。剪其可尚兮。既抑

隱而復抗叶丘切。標諄勁以志介。兮梢拂雲之宕。

薄鬱泚泚之錯。璫兮。翦何綵以灼爍。驕浥葉以

振芳兮。萸焯約之焉。託靜紫腕以柅柅兮。山列

切。疎疎而具作。密竒離倚而相撐兮。又拔蒲未切

檉蘇木切。以布媮於種。則有篔簹簾簾。篔盧得切

簾。筍筍丁緝切。箆簾。簾管。冬簡。簾蒲包切。篔色求切

笙古惠切。箏籟籟切。籟力鎮切。箏箏籟切。篔翼諸切。箏箏切

桃枝於地。則有離水零中。荔浦巴。叩桂陽始興。

日南九真叶陟切。下淇園之縹碧。去三輔而滋青。

頽唐臨賀之籬。薄索長石之籟。故有汎玄池以

滌覽兮。歌黃竹之我徂。苞練實之一罪切。腰乃切

罪兮。來鸞鴛與。鵝鷓。篔料戾而總莖。蓋汧渭以

蔚熠。撼搖落之斷梗。剽斯箏之輕籟。蕃禦霜之

陳柯。何天婧以殊調。篔琳琅以連理。厥倍好而

重竅。伊乘木之載王。前儲與以簫韶。豈陽嶼之

多雙。翻脩脩以喬喬。竦竝起而忽騫翥。篔窳窳

以淬風濤。騰幽輻以撇揆。馳逼皇而託汎高。含

光晷之繫繫。竿百尋而侵霄。湛曉露之初盈。色

光晷之繫繫。竿百尋而侵霄。湛曉露之初盈。色

流寒而淒萋。漂靈靈對幽野。滴瀝江郊。丰茸半散。
煙驚霧交。颺以蒙籠。纖延難聊。錯葉動榦。結叢
依巢。青扈時飛。黃口啁嚶。翔綺翼之上下。走塵
麈之麴麴。翁吻噉以憑負。雜玢幽於巖坳。爾其
森峭刻。振清姿。發鮮潤。朗華颺。夾丹霞。含輕吹。
攄薄媚。蕩煙絲。妍不曲折。直不剝裂。繁不猥亂。
近豈昵褻。乘燕清於閒館。時婉憚於朝晰。藹餘
映之澄泚。繹新采之光潔。浸空色而淡澹。冷青
氣之滃澈。送綠帷裏。接影雲際。陰翳無有。若亡

若昧。列挺松栝。迴帶林樾。依遲歲暮。淒晦興沒。

叶魚
列切

石勢嶇嶽。根株砒砒。漂節磊柯。隨流決決。

旋沸亂之蒼茫。忽翬飛以截薛。度靡靡而采燦。
欣茂暢之可說。若乃朝夕之池。寒丘之垤。翠液

空浮。虛靄爽奪。增撓委迤。玄螭雌蜺。

叶五
結切

螻猿

猱於杪枝。篋捷獵於操末。庸譎詭之孕育。如禱

如舉於封埒。眇仙者之爲曹。芳壇洞無風而自

閉。

叶方
結切

嘒幽隱之遂往。芳姱代凋而肆其潔冠。

切雲之異裁。芳抱貞韻之獨絕。徒抽華以垂筆。

芳諒非鳳鳥其焉掇叶陟劣切集凝雪以封上葉芳

漱危趾之日以齧激震凌之衝颺芳傲睨衆卉

以皦冽尋高概之自崇芳矯蘭芷以蕩泆叶徒結切

梧桂二竹名簠傷於異域芳芳雖含而不越諄何

憾於蕭莽芳蕪穢周行以厚竊伏清白以橫厲

芳夫孰可杖而不察曾發出以追曲芳側容長

之相軋固簡材之順比芳焉壅闕而莫達逢烈

澤以攻雲雨芳寧剪又而荏栝叶五割切訊曰游翔

透上玄雲豐豐芳紛飄縵羨蔽芾竹宮芳姱容

婉態歛若凌空芳矯峻軼厲焯何騰遠芳徘徊

流瀉雪灑尊尊芳嫵璘萑蘭倚幽恨芳暢朗高

節芳不易其貫氣白灑灑芳緒萌寸叶徒玩切陸離

芬棧芳亦何惋叶烏貫切清風為之吟白日為之眩

疎理蕭邃壁可磴芳煒煌青簡蔚獨斲斲芳

菊花賦

夫何淒卉之逸麗芳灼韡曄之繁英叶干良切含潔

清之渥澤芳汜秋水之微光時掩冉其欲暮芳

擊玄墀之崇霜鵬靈霽之悽靄芳結流波之浩

穰氣霏霏而橫驚兮思僚慄而悲傷抗曾睇以
肅厲兮沛潤瀼而頽唐霽澄宇之濶灝兮慨瀏
漂以相羊嗟臯壤之搖落兮軫要眇於斯芳觀
其綿聯幽灌絡驛陰崖因風倩萋玳璫連漪晶
岨迤嶢湍瀨威夷滓汨灑潏頤淡淋漓漸漬運
裊滲漉含滋兮流瀝溢搖演無時穿浚蕭蔓勃
萃離纒怫悒紆悒霍瀟紛披擢疎莖之挺特兮
散泉石之旖旎鬱茂葉之蓊薈兮萼縹碧之葳
蕤旁直暢以扶疎兮襲緒風之瀾瀾根輪頽而

遂達兮光濡澤以沛飀傾垂條之容與兮般漫
衍而蘂蘂服偃蹇而後時兮浸余獨遠於衆蘂
羌遷延於陽夏兮悅滂溢而未薤華與色其遂
次兮焉重襲於厥美紛姦荅還薜歎姆媚若含
苞帶跗茈虎婢約若遙倚而望思閔秋心而有
託迨廩氣之先戒兮謝鶉首之廓落緬收潦於
百川兮汝曾穹而憤薄競舒寫於凝露兮藹迢
遙之腓萼何翠燦以榮鮮兮芳泛濫而崔錯充
鬱律以迸出兮翩幡幡而儵爚媚纖妍之皎姿

兮寄諺。靖於淡泊。滉朝色之輕穠。兮揚清采之
沃若。高度儼以潔廉。兮喟旁睨而嗃嗃。嘿歛視
以莊姝。兮又牢落而可愕。駭逸標之亭亭。兮騁
舊婉之卹削。側天裊於回風。兮似遠引以約畧。
徐整妝以自飾。兮罔攢立而歲漉。態布覆而橫
生。兮澹空煙之疎索。薊槭歷而迴皇。兮眷柔艷
之靡弱。悵孤植以耿介。兮又色厲而不怍。爾其
郁郁菲菲。氤氳氤氳。彤蠻秘醇。吐馥揚芬。承金
行之貞質。御秋氣以盤桓。夕莽莽其未艾。枝蒞

蒞以流寒。縱溫靄而自抑。羞緝絲之妖媚。終續
爛以溢目。是都雅而嬋娟。栗若遠而沉想。藐不
可乎。犯干中欲語而未卒。顧微睇以汎瀾。依叢
渚以灑灑。出巧笑之嫣然。惠颺泠泠。而曲拂繁
舞宛轉。而芊仙爾。乃黃金錯鏤。鑠玉肌翠綠。雜
糝蜚髻。絳衆色曼好。蜿螭窺紫。挺乍拆。迎輕颺。
素皜攢仄。削凝脂微馨。冉冉滅沒。飛含香欲發。
還更思薰而不酷。惟所宜韶。顏稚齒心自私。凌
寒歷亂沉朱絲。白雪度管吹參差。豐理柔骨中

應規驚韻抗絕手小垂。於是林館初張蘭圃如
 沐。澱縞振發聊慮踏。踈瑶翠奪色玄鬢消綠。揆
 景邈以蹉跎。激淒響於哀竹。菴萎露而無遺。葯
 淹時而化速。雖喬木其必零。况蔓草之撲楸。奄
 忽萋其更揚。諒專美而蘊藟。林幽冶之增傷。折
 荆西之麗曲。雨侵淫而笱邑。霞絢煥而映縟。馳
 曾敷之颺飈。渺靚容於清旭。從獨處兮異方。愴
 寒起而粟粟。特蓋滯以優游。菟震盪而不足。盼
 睐求索承顏儀兮。安翔遲徊華傾歆兮。浮翔宕

迭萼相續兮。蹉跎恣睢步空谷兮。惆悵憤慕頽
 容。願兮掩抑。緼寃中心蓄兮。臨流自放誰所伏
 兮。乍遠乍近何若淑兮。迺相楚楚不繁促兮。邈
 迨欣矚播嘉馥兮。故掇華英者攬斐亶於寒澳。
 蒂甫味切蓋扶文切葢之麓倚何皓哲其芳旨焉。事

服咽者嗅甘辛之危蒂。漱温苦於澗澨。何益人
 其惠利焉。雖欲窮研其態。抽繹其緒。極想象而
 猶疑。徒反復而未得。彼其絕離羣類。高謝衆卉
 不競之槩也。栖遲歲晏。違時之介也。葩赫鮮厲

朗毅之色也。溶濟嫵媚溫潤之德也。閒靚姝皎
 貞幽之操也。凌越拂戾傲睨之標也。夷淡簡遠
 巢隨之烈也。婆娑晚暮羸光之決也。枯委宿留
 華角鮑焦之契苦結切也。是以志士佖儼以流連
 貞臣索歎而愕眙。薦苦心之惓惓兮。送餘芬而
 遐寄。衷慘惻以興哀兮。胡喻意之深至。念氣勁
 之或偏兮。甘犛櫟而擯弃。豈衰晚之足憐兮。羞
 夭楚之牢刺。誕高凌其霜霰兮。荃備罹於殫瘁。
 襲芳馨之植性兮。厚昭美之余畀。曾隱約而滔

洶兮。蓀不察夫衆媚。柯遂落而蕪穢兮。觸不可
 乎垢滓。孰希雪於九陽兮。閔紛葩之盈視。滌覽
 肆於丘園兮。信離逝之能祗。華睨揉其並進兮。
 固非余心之所企。去韶序而羈旅兮。逝乃極於
 胡底。况椒檄之委積兮。怊惝恍於有美。恐斯世
 之道盡兮。遺白日以內耻。目佳冶而不御兮。又
 焉猶豫而懷蕤。精色黯以交喪兮。孰云芳花之
 有異。叶移爾切矢九隕而不移兮。曠千載而可俟。重
 曰懷佳人兮。澗之阿廓。無求兮。歷幽遐。叶寒榮切

素婉兮枝則那。文章爛兮何透迤。冰雪交兮從
再華。叶呼歲并謝兮可奈何。橫美媻兮楊脩姱。
叶苦獨徬徨兮聊以哦。鉛黛感人兮徒媿媿。明月消
鑠兮恨長河。涼風忽起兮折洪波。天路阻脩兮
孰云多。

蟋蟀賦

惟候蟲之趨趨。諒有感於眇衷。紀昭序以戒時
物。何微而可憑。叶蒲攬風人之藐。旨薄興詠於

斯螽。豈介鱗之足玩焉。羣飛之薨薨。潛幽蟄以
滋育。慨變化之無從。切股羽之瑣爾。祇象類於
蟻蠓。寧徙遷之不居。衰差順比而從容。閱我堂
涂之靚閒。爰有啾啾之鳴。蛩窅窅。秋氣之既皎。風
慘慘而入楹。夜要諛而漸引。憚飄淒之迅驚。緒
絕綴而復續。閨寒流而愈靜。叶子鬱茲翰之中
厲驗蚣。相容蟻相魚於釋名。蚰重翅之正赤。蝮
黑身而如蝗。叶胡或頭小而能飛。恒索索而作
聲。抗塘臂之何矯。性矜銳之毅雄。叶于狀蝶螳

以陋小蜃蝨蠢之是膺伊累載於青蜃曷天鷄
之異稱澹砌間之陰暄湛草露以榮榮傷王孫
於南楚駭蒲錯於幽并。詰乾鵲之曲解誘何見
而輒興。淒青角以春箕。蒼由是而並登。雜虺螭
於我宇。謝蠨蛸於戶庭。曾鶡旦之晨警。幾蜩螿
之夕吟。响嘒嘒之未已。喟噫嗑而益深。爾其燕
居獨念。盤礴高寢。嘈啐清耳。心焉有軫。嘒兮何
切呻。不能噤。其始聽也。焦眇爛漫。使人愕眙。其
既進也。激噉牢戾。爲之瞿瞿。而極所思。忽兮若

急沸。勃凌遽絞。灼而淫於管絲。湫兮如怨。偈兮
如懟。息而更揚。風雨如晦。攢哀集悲。通夕忘寐。
於是霜涖涖而摧莖。岸溺溺而淒凜。音織末以
注精。嚮空往而無朕。折孤孽之菟神。沾羈寡之
袂袵。遠他鄉之望歸。馳思閭藹而未審。慄衾裯
之薄寒。忽焉愴怵於筦簟。叶徒錦切泫泫何恨於牀
下。標失氣而自唵。木葉飛以乍停。水波動而微
泠。嗟翳景之欲遷。塊依臯壤而露飲。流澌摧以
風凝。冽獨寤歎爾有瘁。審氣橫迸以抑寃。時荏

苒之駭心而自耿重匹溢以充闡何喙吻之作
而能逞。哽發皇之爭瀉曄熿光曖曖於陰井。躡
踈猥以填隘澄閒弄之愈冷。諒抗絕之焉所懷
而不蕘徒銜憾若有切於斥屏。餼煙液之宵零
沉何氣之憊而引領。霽霎霏之露雲惕焉易聽
而深省。爾乃溺玩悅於荒禽抑將子之好蕩。嗛
無關於注鳴燥寧哀於疎吭。惟矜勝之餘習矧
齒距之可仿。蛇蠃始以介倪粵乃升乎草莽。擾
跋巡以踧躡爰初辨於駿駟。胡好鬪躡其足蹠。

蹠怙勇而突攘。局凌怒以憑爭。勞拂戾於蹠掌。
壯顧睨之糾糾以賈怒。躡盤桓而延想。無卑蠢
爾之何知。躡猛志之踴踴而爽爽。挫既接之欲
分奮再起而決盪。躡蹶厲以交投亦批吭而血
頰。躡躡蹠之已楚肆蛇蜒於雄長。齧柔薦之青
滋泰若意得而蒙上賞。別有執織末之藹菅折
微波而爲杖。宛取類於驅策。麾進退之鬚髮。指
蹤粹以致敵。扶摘息必切之而遽上。奮翮羽之
磔張鬚直豎如馳而掉鞅。格前藉以挑誘。倏牽

引以來往信操寸之弱。薤可作氣而役使。選耳
目之是寄。譬韜鈴以尺七定疆場。於盆盎礪駭
中野之犀兕。試憑軾而觀其戲。昨交綏以摩壘。
俄轍亂而師燔。尚齧齧之未已。斷何挺以齷齪。
既罷齧而益齧。舐眩蚴鬱齧以噴勃。曲踊驤而
猶哆。紛百戲之滋新。茲何選而由起。撫角觝之
餘巧。較勝負於蝸技。彼逞志於一朝。劇與此其
何異。悼蜉蝣之楚楚。悲蟋蟀於歲暮。雖荒樂其
無忘。日月迅征而足懼乎。亂曰。逾邁既以遐兮。

夫焉所逝。感彼精列。鳴兮。悔不能甚。懷潔清之
可慕。芳羌露飲而壞。飮避累徙之悽悚。兮。憬無
然而作記。昧恻恻之未悞。兮。惟蜩范之所匿。叶
切。竊獨慎於小大之倪。兮。我姑稱詩於楚。溼。

去鶴來歸賦

季朗云。有斯篇。索未得。因以命藻。夫
予之不逮。夫人知之。而復此綴。不幾
燕石鄭璞乎。貴相見情耳。

夫何靈禽之逸翰。兮。超一舉而千里。猳呼麥切絕

驚以聊騁兮倏式六切周夫濛汜運天池

之浩蕩以刷羽兮逍遙放乎六漠而焉止意踰

溢而不返兮亦滔宕以自侈局榛楛之翺它臘切

翺兮不越尋丈而狎人噉梁稷而憚遠徙兮故

邇藝以跋跋偉斯鳥之為介倪兮孰灌垤而可

馴鹿得謚為鶴兮廓獨矯翰而高憇離青丘之

長隰兮苾僂紛溶而來萃下軒墀之鬱律兮步

從容拔雲而薄睨引清吭以徐嘽兮聲續絕躋

躋之溲候夫既俛翼而甘拳兮蹙蹙聊且以乎

近昵顛鞿羈之仰繼兮諒焉所眷而不掣顧影

獒以躑躅兮踐鋪首而排玉戶戲且啄而味加

兮聽盤逸而若有怙籠鷗鷺以擾畜兮時玩弄

夫皎姿而自舞綺皜皓之奪視兮貌安佚而不

驚郁何都以采眊兮奮脩骸之利輕內憑噫之

有快兮忽迴思於漢冥悵幡纒之鍛羽兮猘許六切

弁飛之未能掩翼步葛切試騰翥兮翻

翥呼橫切翥之遼舉爛熳遠遷以抗絕兮瞰逕逝

而棄去恣遊遨以舒息兮噉噉哀鳴而求侶檝

翻力合翻他合之凌軼兮牢落北紘以遙抒。嘸

登閔而乘駭。颺兮偈迸逸而無處所。既搏搏之

遐邁兮眷疇昔之見珍。銜哀思之不忘兮邈殊

類而相親。望主人之池籞兮耽旁睠而改運。俞

倫鷲竦體而欲下兮淦躍自叩以就旋。叶松噉

噉胡宵喚之切兮翽丰茸之秀領。宿得託於唐

中兮亶遙喙夫嚶溟。淒幔帷之儼張兮惕條條

而猶警。集復歸之依止兮進自翳而延頸。俛欲

陳之去不辭兮翹差差而更整。翹翹氣之厲激

兮終能軫乎恩倖。願盡心之無已兮豈背去之

為青。左右感而色動兮嘉貞禽之有耿。鍾族性

之不易兮矜志介之可想。惟羈寡之長吟兮感

簡斥而悲懷。何黨人之二三兮離逖紛而無象。

案去就之不經兮應發寤之惘惘。鳥擇木之自

初兮然中道而或爽。聊浪空庭之儲與兮哀井

臯之逸響。冰塞川之磔磔兮廣途洶洶而方梗。

霜露交下而晨嚴兮飛絕跡之影靜。將欲還之

不可兮徒坎條纏綿於故郢。遡物類之何知兮

劉子威集 卷之六
猶識所養而願請。

之不足也

其辭哀之身也

為書。王公淑而。博古。嘉貞。會之。有相。驗於。其。終。捐。俸。平。恩。封。願。盡。心。之。無。已。其。豈。背。去。之。

劉子威集卷之六

長洲劉鳳子威撰

頌

成祖文皇帝北征頌

黃河水音句

成祖文皇帝御天下之八年。舍宥已深。始親馭
戎行。薄伐北虜。出入訓定之者。至於再三。一時
文學之臣。金幼孜等。咸有紀載。然未極闡繹。敢
效敷述。以章顯。

聖武垂於後焉。其辭曰

於皇造之赫興。蹈乾坤之圖紀。接運期以誕熙。祚絕業之胤系。光爛朗而載闢。遂一朝而規萬世。剖靈曜於神符。用顯登於至理之治。寔典籍之創聞。豈竹素可得而識焉。當是時也。茂

皇始之締構乎永貞。拓天極以奮昭垂於千億。策有微而必攬。謀何隱而不索。故玄祗奔走而獻其兆。穆占參成而眡其吉。乃奠茲

寶鼎。爰定新邑。相幽都之麗崇。宅九壤於朔易。

斯固姬子之所遺而未畧。黃虞之所職而誕作者也。是以上模法象。造宇立制。跨三條超北落。陵高闕際遠滋。建天都正方位。大觀羣后。禋宗肆類。禮接來享。示威於後。至孚之以信誠。董之以師武。撫之以器物。頒之以玉瑞。邦夏謐寧。中外禔福。用弘於天。以祗厥勤。嘉功之昭登。炳光命之允畀。尚亦無忘。監撫戎夷。以式遏寇雠。是惟王靈所加。其敢有滔二。惟茲狄人。鞞之遺孽。逋竄窮裔。荒遐無所殪。什不遑於震懾。昧假息

之須史肆游蒐於蕩迭。竊匿伏以偷旦夕仍獸
挺而走險敢作不靖以自絕。我是用誕將天之
輝威赫怒以底致艾罰聲討殄殛其命遑以宥
矜而輟於是訊時日於太史戒發命於司馬除
壇場徇軍社曳大旆車驟輶設三表馳且坐誓
羣吏視弊火執律秉鉞校勒行陣以觀將帥之
毅果陋岐陽之大蒐申涿鹿之戰於恒野。叶郎果切
既輶既禡鸞輅乃出大馭戒驅戎右奉鞞贊鼓
以巡六師爭軼羣辰景從威容灑慄飛廉先路

虎士滇溢千乘萬騎繚繞鳳蓋以騰躍望勾陳

之啓行地徙嶽旋羽衛琴離而灼爚於時中春

上旬和風穆流播況灑清塵戈甲電耀原野訇

震焱焱駭駭焱焱切瞻叶批翩翩宿切嚴簿初警干

鹵驤浮儵殷起而焯焯陰雪方融河淖霖霖轉

躡陁巘蹠蹋谿谷俄踞而為陸徑險架坻越峻

厲深趾躡七外切曲踊踟躑丰郁被崗阜而抗長

轂始自河沙之涘爰次郊甸下居庸之巖隩發

導遠偵斥埃相屬前矛三覆佛惛空曲驅橫驚

以深入絕。鄙塞而隳。刊斷道。渾河之灑。浞歷鷄

鳴之舊域。叶于六切崩崖廩其臨。壓阻阨裂之巉峭

而驀度。拆副。叶方服切將婉憚萬里。以窮其逕。復寒

風驟而擊石。知四時之變。有異乎中國。叶古祿切隳

尼立切野狐之陵。碕峽隔辰。於豈切以危度蹕陰山

而蹕。去弭切其齊。子亦切之熾。設旃為和。覆質為檠

御幄殿而閱武。則雪旂旒乎纓綏。信殺機之感

動嚴氣降而應之。去興和而益前。壘壁坵分於

阬阨之陲。取定襄之間。道跡別部於屠耆。涉老

上之庭而稍次。何山川之邈而紛以躡踞。直秦

塞之陟入信宿樓煩而屯虎貌。輿駕度漠而輕

留防。獨乘列障以為蓄。踐蹂窮磧。縱突騎之騰

蹕。鐫嘉銘而接禮。夫川祇錦水並乎高原而行

幸閑陞。桓於瓊圃之葳蕤。鼓鑿賊於交河之上

中軍。譟而環以濟。叶臆西切快自古之所未經。猶且

雲會。颯逝超乘以騁而赴所期。岌長白之巘。於

荒徼極目無際。沙草毳兔之涯。水泉或乏。忽噴

涌而應祈。邁臚胸而愈北。斗南望而下垂。峯巘

既曠絕而不分其名皆自天而被以恩施烽燧

遙隴蒼山之陘覘虜之計竭而恐懼叶孕重墮

殞於奔劇始更蟻聚而來窺種落掃地以肆其

狂狡悉舉勝弓之族而徼萬一於貼危於是

天子親提馬而介於陳恢睿算而運奇命風后

以受兵逆遮遏而頓長羅叶舍輜重於要害

置麗梁而不持選驍縱率輕標從羽林駉僂儂

置鸛鵝命飛鳥魚麗掩犀犛繞勢鴻沸雄糾糾

叶天切鉦撞霜矢陷腦俘裨王繫雲老睢盱馘羯

孽勦咸刺折若原燎摧蕩顛倒截剽波擾礮磕

勃决潰無立草洪河傾而地梁壓粹泰華而山

石卷翕衝風而枯朽蕞猛氣迸逸威怒滌灑歎

林欲野飛走為之凌遽璿象變而懞懞其所奔

突亡失跳驅漏刃扶携殘傷匍踣渙亂叶聖奏

章章而逞惑頭搶地而不進撲扶但中觸輪染

鏑驚怖之燼磅礮捷獵用罔遺齒然後擁鐸弊

旗抑鋒止銳閱部隊之獲觀將士鎧獻之所上

叶時取其鯨鯢以為戮矜其歸命而以徇非剪

此之為快憤憤鬱於狄氛弘却攘以又康戎除
懟而動皆順殪仆者封而為觀生獲者丐而弗
逮撫前勩於漢役睨往跡於秦塞跨薄海以為
封圻奚至於太原而足載截宇宙以遐逞暢光
威於隆代乃旋師而

詔方內爰席勝而布洪需鑒武黷而勒成全鋒
鎬之餘命以用誅蓋含貸敷賚偃革昭仁兼育
等愛置之度外而弗問者五年於茲矣而貪禍
安難弗惠弗若陟梁蔑黠膈臆驚悖叶毘祭切創夷

甫蘇哉殪復肉而敢忘天覆迭我邊地間視我

氓隸故復明天之威有虔赫將亟徂伐而用再

叶子計切懲未殄之回瀆我其庸滋長之而勿折其

喙使崖崖尚爾恣背誕以狂狀爾其束馬懸車

巡師野次祖行龍臺約誓璋旒循故道而理兵

窮險遠以躬蒞初奠躍而猶眴噬獬獮之妖沴

戰未及於矢交何歷僻而礪蹶叶潰頑墮喪於屢

劔引虛發而自斃紛蹈藉之橫布遂空其窟穴

而不盈眚霍然霧廓以雲消尚未能泄六師之

餘儕聿整旅而凱入洎勞旋而干戚斯肄既秉
德之曰生樂與四海而同其泰泳霑濡於洪沫
濟懷生於醯醑如此者又十年矣乃復蠕動乎
癡痕之未除或捧痛而呼以睥睨是以弓在檠
而更張梢撒天以競掣履五行之勝氣又親麟
其境而屆所際迨絕走而踣僵懼天威之屢感
而剽剷聞無人乎廣莫諸軍皆不見虜而氣徒
厲迄席卷其山川揚聲微於浚稽之汭攬武策
之變化熟盤桓而籌計疆埒靖嶼以設巨防邊

益斥而守在聽保塞於諸部貴圖大而舍其細
薄奠安之暢於綏柔以永無虞於臙毳諒放馬
而止戈焉所復覲旄星之芒彗夫其所以至於
再至於三親御時龍而建虎旆深入窮追攄宿
憤於累代蹂域外而四眙固參天之烈威而贊
育之光懿豈凡識之所异哉小臣不佞拜首稽
首而作頌曰

於昭武德纘戎自天光光顯休俾作時命敢有
不虔紐茲阻兵遏我厚仁忘其隕墜若畱人之

耘我其圖靖之而庸不是勤。祖載自北嶽恒時

巡中春治旅乘黃駢駢。虎銀龍盾鳳蓋璘續。公

矛竟野鼓以鐳錚。光靈電舒鬱曜轟震。爰次朔

徼士馬迭過。叶徒切駭心洞耳聲不過閭。叶吐切騰

躍於原大綏更抗。叶苦切跋履暝院陜險橫驤煙

其並蹕邁彼蒙阮。輕行遠縱幽山北河關市下

梁跨踰絕漠遑究於里疆。九迴陔阪孤懸造陽

伊穉所邈虞衍之遺出狼居胥之衝。叶昌切當其

豕突飴閃儵甍儻如游光。敦我練士挈轡以合

瞻其旆常挑盪决驟若壓以嵩泰若沃以九江

梢擊奔蹴指陷熾張。滌休屠腹涉句黎腸。甌脫

屏跡郅居無庭。叶徒切乃遂趨絕無所伏藏。固昔

因杆之所未至。至驃姚之所徬徨。蓋殄戮者數萬

然後納款附之。懇而裔土是荒。施以愷易掩以

宏綱。欽至疏爵始襲服裳。何豺狼之性咆哮不

懲。叶直切至再勞撫征厘爾戚揚。躬冒霧露謹天

罰之將。昔在九黎戡伐用創。亦遠暨商三載鬼

方奄茲克。又時維奮攘桓桓。弼濟禮用威匡底

致多罪怒斯赫興。叶許良切無曰滔怠而不毅強無

曰好勝而戒不戕。敷遺惟休威儀序詳。雄哉烈

武干翟綴。拙長惟諶篤祐茂彼武湯胤。我有夏

聲猷誕章。時萬時億既緝且清。叶七陽切

弈頌

或因大冠之微喻。嘿以暇日自郤肆。玩弄荒閒

倦怠際。杼思不輟恣弈戲。放散不乃有所繫。嗜

好遂爾耽末伎。此為曷日廢功流連喪弃。是非

君子之所為勗勵也。請徵之往記。曰弈有深意。

昔賢之所識矣。其取則也大既剖分於陰陽。其

置列也直又必依於正方。其羅布則參視於辰

象。運行則樞紐於王綱。成敗則發明於否臧。故

於藝事之璪雖小道而可觀。當其方罨既陳。兩

敵相對。既從容而置碁亦凝思而為戒備。若動

謀罔不自初。乃終不在而乃始在。故經營分表

絡驛連類。亟恢張以森駭。畏弁斂而蔽曖。橫引

勢以壓陵。直轡切而遑逮。闢啓土疆。規繕緝配。

形欲辨於守攻。地先明於向背。此則創謀於造

基發蹤以首路苟圖據之失策必隘院而不可
以再者也。迨驅蹙以鬪巧遂摩壘而相擊奮毅
勇以氣奪翔聯翩而深入紛膠戾之錯陳何頡
拂以用譎苟力等而交綏亦俟間而迭出既多
方以疑之示羸形以伏匿潛奔突之乘虛遂四
縱而越逸斯運竒所以無窮貴在決蕩之計必
使蹉跌於幾成敵猝起而慄疾隙孔穿之既潰
覆塗地而亡失者也。故恒臨險以栗危務沉幾
而制變當肉薄以綴縈漸孤懸而絕貫忿陷隕

之猖披猶狂走而犯難此迫脅而內怵乃營惑
而少算昧取舍之大幾失當斷而不斷者也。若
不料彼我之實力舉不定而無所按非有成謀
於目中試襲奪於漫患叩堅壁以逡巡聊致師
而遂逆竄此計極而徒貪故輕進而行亂將攝
北而師燔卒并殪而潰散者也。至長圍欲合勝
勢已分忽有改圖欲盡兼其羣不暇還顧坐致
紛紜遲疑變生不戢自焚此意廣慮淺量大其
才速何患拙須爲事蓄者也。及追繞已急不能

固完。先後幅裂。仰恃救援。收取餘燼。支拒求存。有所委弃。別事併吞。此善敗不亡在亂。能整遠度所涵逸。謀卒逞者也。淮南固云。或食二子而路窮。或捐數路而破塞。兩雄競而氣抗。籌惟繫於一先。雖得當之。為快孰非幸而獲全。乍踔度以侵軼。復隔道而門焉。驚衡飛之歷落。迄離立之盤旋。窺斜蹠以並奏。關重劫而張甄。鳳池金谷。井欄車廂。後出益新。專事奪攘。往來要遮。奇正無常。夾刺以軋幹。約為行。既勒而撤先。簽而長聚。則立斃毅而更裝。或兩利而俱生。或詐敵而取償。或相持而不下。渠有意而未可詳。蓋繹思玄藐。喻深於軍謀。闡發神明。悟微於墳丘。藉優游於精理。較綜畧於品流。工由性解。本天授。策功朽枯。亦何究。雜而成文。邈爰繇。玩以逍遙。永清晝。骯骯其致。義惟舊。荒溺滋遺忘。實失荐為大咎。惕然夙興。計匪漏。無使說者持其構。

大中丞宋公平夷頌

并序

歲在頽訾之夏。大中丞宋公方撫師我東鄙。卒

乘輯睦斥埃備舉。詰掌固脩。葦舍繕完。暇整鉤
援梁麗。覆旃纏質之外。馳者擊者。節其出入。無
不共命。士有餘勇。軍有餘策。惟赫厥靈。亦既震
疊之矣。以歲之不易。則又改轅曳旆。旬而辯徧
之。適裔夷敢憑億克。怒迭我海甸。軼我疆圉。肆
窺我王畧。將隳我原防。撓亂我保聚。公聞亟奔
命。發乘徼吏士。樓船七校。授以奇謀秘算。即天
誘其衷。士爭持滿向之。始交則披靡潰。再接再
衄。折馘安安。獲首虜甚夥。又蹙之沙汭。掩而殪

之。戎實殲焉。其所執訊者。所斬刈者。所燔蕩者。
所蹂轢者。復不可計。蓋舉其羣覆之。飛颯洶涌
間。所不炳為燼。則淪溺為泥。特取其鯨鯢。以為
大戮。又虞之或竄逸。萑蒲潛俟。我聞公則又親
御戎鼓。之不輟。冒暑酷。犯炎霧。跋履險危。在行
間。久之。蠶旗所指。窮絕溟殊域。威無不屈。而後
振旅勞率。數俘校。獲陳師大閱。所不面夷者。下
賞深入。敢疾力戰者。庸之以為勲。賞罰不僭。而
氣益用騰振。平士歡呼洞野。凱入遂獻戎捷於

朝若曰此

上之德也。羣師之用命也。臣何力之有焉者。夫公於措施實罔不夙夜焦勞。覃竭則靡躬之故矣。忠慮沉篤。則鬼神與幾矣。故鉤致於稽浸之芒芒。而往來甚輕。以速若誘。而以全取之者。使非有成謀於始。則幾何不駭動不符哉。人見其剪此之易也。而未知其圖慮之棘也。見其從容以治於俎豆。而未知其蹇蹇朝夕也。且其作以讓而功益顯。休休乎有容德。以兼攬衆才。而畢

效之。故下莫不審固其心力。以役上令。官不易方。而艱難其身。以蹈矢石。爭一旦之命。不旋踵卒無遺鏃焉。而靖夷之者。固有以也。夫故使其來而不預。則必震驚我旅。禦之不於未蔓。則必浸淫及之。而日長炎炎。其易撲滅乎。不阻隘。不逆趨。未列。則必創我深。而事乃不可知。不因舟楫之勢利。而用之。則徒兵長伎。彼得恣焉。不薙絕之極。所至罔遺育。則餘孽且滋。將復尋斧柯。公之功大庇我吳。而生全之數世之仁也。雖公

方謙然不自有。我其敢忘社稷圖哉。

頌曰於鑠明命。兆隆自天。顯允厥猷。皇祇所贊。

叶租全切克開九有。靡用不虔。肇天之休。鋪時駿惠。

萬邦有衍。叶夷然切爰命作監。敷我宇甸。叶桓桓中

丞夙夜于宣。寅翼是常。惟茲恭勤。叶渠焉切治民祇

懼若荼蓼之集。庶曰敬之。爰作其秩。肆于海邦。

越罔不載。戢弘昭于德心。怙爾厚仁。浸淫以溢。

化之格乎。不乃用牧。叶莫筆切樹之物章。委以典法。

叶非律切孔武以文。正直斯皇。飾習十器。審施弼匡。

肅肅疆場。紹茲威疆之風。叶孚光切庀賦繕甲。乘駟

彭彭。禮用脩備。而豈匿其形。叶余章切敦我戈矛。攻

我臨衝。叶昌王切揭揭餘皇。高以傳于墉。叶干方切覆質

為櫛艾蘭。為防則莫我敢興。叶虛良切蠢茲獫狁。而

用據梁。潛彼藪沔。胡斯莫懲。叶亢良切誕乃為蟻。不

可度方。發惟不意。幾我之忘忌。叶巨巴切倬凌蹈藉

桀鷲匪誨。憑恃漸洳。剡剡長械。叶舉里切豺狼其性

蟻蠊其視。賴櫓遠徑。薄於烽汜。川虞奔告。偵候

咸駭。叶許巴切赳赳我公。載旆式遏。徂旅疾若風雨。

之行翩若飛鳥之舉。輝輝濯征疾威維暑。親蓋
 不御蒞於戎所處。秉鉞麾之橫沸焉起。惟我保
 介及我御士。銳器精材黃間谿子。七萃迭縱輕
 選騰湊。與切煙其並臻。焱怒佻儼。滇滇鼓鐔曲
 隊耳耳。前後角之。或翼以掎聲。何駘磕氣所躡。
 趾猝搏而投。忽若批朽。叶喜語切嗟我鏑鋒。曾是足
 齒。怫悞淫與爭其頭首。叶賞呂切藉藉紛紛。遂殄戎
 醜。叶敬呂切要遮波濤。糜爛鴻水。烈火載燎。遑遽檣
 艤。豈其孑遺。而獲餘息。以跋申令。有嚴威謀。間

紆。叶上與切惟咨屢謨。師貞有紀。渙渙沂垠。胡餌其

誘。叶演女切迪惟追奔。舫船衙衙。叶魚許切阨薜阻窮。靡

究靡止。夫焉有所逋。而僻倪於其涖。故大劓其

孽。庶無狎邇。滔滔武夫。匪教匪舒。奄茲沉斥。佚

迸。是驅徹我荒外。民有寧居。亦既即功。公曰需

之。無謂逖遐。而不戒于方濟。叶戕西切無謂克集。而

不恣于有渝。慎時戡定。四方以無痛。海於浮浮

郊。甸無憚。個兮鍼鈇。俾也良圖。獻捷連連。職競

思劬。允猶戎昭。灑淋榛枯。作對長世。用恢於顯

譽燕我婦子保有室家

叶姑言奏我賦

叶夫惟公

之謨庶哉永錫嘉乃丕績孔淑令聞德音奕奕

于胥戎作式固卒獲覃及猥狄其究于澤肆皇

天尚乎膚功祐祉方假

叶格

既多受之其乘有奭

煌煌命服大啓爾爵

叶資昔切

爾公爾侯百祿時適

畀專撫征五侯九伯憬彼南國蠻方用邊匪予

矢歌以永無斁

贊

香草贊

暇讀離騷以香草為喻竊以增慨因

各為之贊

簡惟都梁薰疑蕙芳秉既紫節生晚莖方類皆

近似服之牂牁積失其真于何能臧江蘿薜蘿

本末以殊海苔水薺形亂色如若英風連苓芝

異名蘄菹芳葍薑芷共生一物托比胡以為正

叶諸盈切

取喻百爾德之未盛

叶時征切

好是燁燁空流

厥聲威喜辟兵杜衡走馬亦祗以異不違其野

藹綬詩紀菌芝載雅虛有菁榮攬不盈把譬彼

矜高心不能下。玉卮無當致用則寡。申椒揭車
 芎藥文無薄和滋味與之為徒。屈龍芸香蒲薄
 王芻猗猗陰淡秀生陽陰。萋繞蕪莞荃蓀菖蒲。
 盆聰廣志於焉扶疎。旅蔓雖淺寄緒則紆。憲草
 言樹卷施載拔。欵凍茂悅藉藤焉捋。小有可觀
 含而未越。斯並常流時所采掇。曄曄者華可以
 為嗟。未可以誇。固無增於苾薜亦焉並於奇衰。
 蘭滋九畹汎以芳風。芝名五嶽三秀夜光。叶姑紅切
 備美温馥馨烈攸同。冲和之德惠氣所鍾。羸菊

淒其甘寒不酷。矯厲潔清憑霜燦縟。荷華芙蓉
 疏濯淖汗。莖茄葉藟苗苕萼跗。實可擊結紉佩
 君子。逡次衆芳吐嚙。凡藹餐英何茹。隳衣何綺
 繳矣靈脩是焉有美。若庭軼指佞落莫司時鬱
 以灌地鬯用於祠。並未充於服御咸可薦於明
 祇。至陵茗胡臬荔挺射干。連延沮洳委蔓林巒。
 薺甘荼苦董毒萋酸。芣苢五臭茹蘆血丹。賴蕭
 荇葳染茲青翰。蒼葦蘩醜蒿畝。芄蘭舜英庶草
 種類難殫。斯小人之交亂。戡才之為敗。方盈要

貫艾益索苦蕒。叶力 攀弃胡繩託云管蒯既實
繁其羣豈徒蒂芥舉世皆蕒孰可告戒別有唐
蒙女蘿扶留兔絲枝幹荏弱尤善附麗儵若鬼
魅匪夷所思此世路所以榛莽舉足所以棘茨
也。

濠上公贊

濠上公者寰海人也。生於濠梁之間游於塊莽
之野。不知其幾何歲矣。道以不宰為用。智以不
知為知。出為於無為。寓形於無形。乃強名以無

名而曰濠上公。以廣成為師友。鴻蒙相與居。離
跂而行。睢吁而息。委墮放廢。頽靡縱恣。口不擇
是非而言。足不慮利害而行。出不知其所往。入
不知其所止。一清一濁無所倫經。一進一退無
有法程。蕩如流波。瞥如飄風。滅其聲光。隳其崖
隙。貶其容服。蟄蟄蘇蘇。變化並作。動靜若一。或
以為實。或以為名。渾沌若寐。偃仰若醉。溫純鈍
悶。閉塞其兌。以遊其中。而未始有窮。故當羲皇
時。拊脾雀躍以遊。而人不之異。入鳥獸之羣。而

物不之猜。當五帝時而人始驚。當三王時而人始惑。故或距之不得留。追之不可及。測之無有涯。探之無其朕。則謂是公者果何人斯。於是公之名愈疑於世。或從仿像求之。安車之使。將之束帛。接於道。公差之。遂絕跡去。不知所之後世。益遠求其人。殆恍惚幽邈。不可以寤寐物色名狀之矣。因為之贊。

夫道無始。曷知其止。埏埴以形。妄以為已。其初既無於何。能揣卓哉。是公淵乎守中。用之不盈。

是惟道冲。其神長生。未出乎宗。順化自然。其德

玄同。悶悶醇醇。越以希風。骨弱筋柔。比於赤子。

綽約恬愉。備極衆美。儻然四虛。身常無患。叶胡消切

靡壯與老。居安處全。精脉内固。膚理腴鮮。號而

不嘖。至和所完。叶馨馨切牝牡之合。乃踈我龜。叶殊公切

為我有身。陰陽相煎。名由此作。智由此燔。叶汾公切

收視返聽。無以世眩。叶胡負切馳騁無間。歸乎其天。

情慾俱遣。亦何戚忻。叶輪旃切長於上古。胡不閱年。

若存若亡。豈有隱顯。叶馨馨切流則為光。含德之英。

叶於神不傷物是為帝之先。
虔切

無非

不更至

與夫吾安與全辭和內固實與與無而
與與吾安與全辭和內固實與與無而
與與吾安與全辭和內固實與與無而
與與吾安與全辭和內固實與與無而
與與吾安與全辭和內固實與與無而
與與吾安與全辭和內固實與與無而
與與吾安與全辭和內固實與與無而
與與吾安與全辭和內固實與與無而
與與吾安與全辭和內固實與與無而
與與吾安與全辭和內固實與與無而

劉子威集卷之七

長洲劉鳳子威撰

七

七稱

敦處先生履躬素之德含漠淵之鑒迪踐高藐

服常懷憲淡泊何營與世之異獨道無悶。叶眠見切

居不離井畝而超然自遠閉兌翁舌聲戢不聞

悅慕殊譔。叶芻戀切於時深夏之燠怡解郤縱蕩適

渙漫袒裼終日無敢請間游道公子聞而銳意

往焉先生恂容和繹歡而進之公子遂稱曰始
吾有猜於衷今見先生瞿瞿邈邈措已泰閒神
無不燕志何肆展叶渠焉切然意者久安則體需緩
抑積則意詭逆莊持甚者拘局之患生放洩過
者溺喪之情汨泯泯膠膠陪幽是怵矜意成沒
寂無所暱矯非厲愆虛有陵軼剛邁自遐執不
得恤接對希寡未離一室程露何簡幾於怠佚
先生其殆未然乎先生謹謝曰若子所言固幽
遁之貞行矯跡之孤蹈然何至此也公子又進

而請曰道直者無籍於譽稱閔已者不期於忤
俗然動靜之宜是出於性替之於張非已所勗
故運度則有屈伸四時之令隨適而篤者也故
載逸豫之輿者名之蹇廢之耻懷荻室之安者
謂之幽繫之士廉利鑿裁者有齒至之鄙稜懞
侵急者虞劇折之邇弛心誕謾者將壬邪之俟
今縱不樂喧囂之習近厭縮亂之干意方羊事
表俛仰容裔四體窳惰精髓溢營結脉底滯潔
清為名動有所繫獨可稿枯巖壑僻刺乖戾拂

違人情離絕於世。何不通方博喻廣所覽存。延
引寬綽理不一門。變湮浥之衷。濟濡淪之玩。挺
膠固之執。快當年於耳目。窮娛恣以媮樂。諒亦
無急於茲日矣。先生曰。唯唯。子何箴之。切而浚
予詰也。必若可以誨我於大道者。請敬承而勿
失。

公子曰。今去湫陬。就高抒。濼

所格切

漱之谿百丈

而懸瀉。帶以迴巘。壁絕斗入。以騰跨。霑霽淫溢
浙灑若化。霏霏靡靡。翩飄倏乍。散若飛霧。絕若

遊塵。詭狀百千。搏搏而交下。上則碧慮琅玕。瑤
樹珍木。蔽翳奄薄。隱隱沉沉。微有隙罅。此固當
暑而更淒。曦皜之所不灼。自失其為炎夏者也。
於是構壑疏檐。抗巒為舍。檻以層棹。侈以觀榭。
洞臺朗煥。潛室徊還。叶胡切洑乎湫乎。洳洳乎傳
於陰岸。石氣朝嚴。寒映沁射。枕憇軒廡。因崖為
藉。深去聲風穴之澶。浚液飛泉之漱。淬颯悠然而
來。御叶魚切斯已。骨廩而氣競。爽清而神暇。襲纖
絺之颺颺。折輕素而聊蕢。方晝而涼尤宜。中夜

飛虫昔屏巖籟嘒次靜天繚而虛謝警鵙鳴於

井杪託河漢以遙借邃窅莫從寬然自獲叶胡化切

濯沐天淵晞髮太華於是向風而歌曰超曠蕩

兮竭來歸身無羽翼兮胡能奮飛下臨無地兮

安所依此亦希世之遊而清夏之至適也子亦

起而往觀乎先生曰煩歎之迫鬱悞之刻私所

厭數然僻陋在野却立遁循亦何力以及此也

公子曰畢弋之事網罟之屬納於藪陁造於原

麓時與夫莊辛之倫渭上之叟操綸挈竿置笱

設置引魴鱖於夏首出鮪鱠於句漚堰場長薄

湍水所經右貫荆衡澤淳泌清蠶以季切螭蚘壁

介鱗是營始就濫而箝搨或迎流而取盈詢水

虞之執秩豈釣術而無正叶諸盈切調飴膠絲流連

孺子弱弓微矢去之五步而止仰彈黃雀徐聯

鵠鷓羅鷲青頭翻呼伯猓切許月切頡頏引虛而落

飛不及翔笑虺之黨凌壁倉折旋秋駕郵良拊

肥絜功較獲曾是足亞啁啁黃口茗上之鳩聊

用施巧非伎之紐驚創掩宿豈其洞右濬繳所

隕微風颭颭。攘袂及肘。不遑覆手。仰天而呼。其樂無有。故茹溪之美。貴於楚篇。臧丈人之夢。通於哲王之前。此男子弧矢之利。馳騁田漁山澤之樂也。亦可稍紓子筆。翬之思乎。

先生曰。昔之弋釣。其獲不同。此小大之量與。故以祝網而與湯。投綸而佐王者。豈邁會而觀變。乘時以得當哉。走筋力不任。姑未暇也。

公子曰。金行始蒞。西氣漸適。水返其壑。閉歛以擊。於是相與臨於具區之涘。徒觀其勢之所極。

汨瀚瀚焉。溺液液焉。潰泚泚焉。叶呼切灇焉。蕩浪澗澗焉。

濩潏潏焉。潰薄突怒。汹涌湍砢。騰轉宛渾。澆澆潏

渠陵。漩淵榮澹。固已怵心宕鼻。鬼目而不知所

管也。若其淹匯。衆流括載。川瀆遺施。灌輸漭沔。

蹴蹶澆。火麥切澆。匹曷切滲離。力支切淌。唱切流倒縮逆。

折滂沔。奔揚噴暴。灑瀉混朗。澎灑。薄買切反覆白。

浩膠以演。瀆瀆。助謹切洽。五入切渠。七立切以輪激浮。

力拙切灑。渙以櫛。轟遠。近爭赴院。隘溘蓄。故其所

經帶者。所渾涵者。所滔滌者。所駕軼者。所拔濯

者所濺

女狎切

納者。汜浦陂澤汪浸渚澳。京潤姑

孰宣歛杭睦。柳涇之屬。漸溢公射絡驛。滇促透

迤陽下之溪。通道胥卑之曲。淹歷鳩城之墟。堰

遏防塢之濱。澹漑巫櫬之麓。然後激

古淡切

灑沉

濁灑漾翔迴。泮散遊行滃渤。起雷潮漲。往來潛

應。朏朏測量東西。日月所浴。曾何畔涯。極所瞻

矚。曦馭逸驥於陽瀨。常儀軼駕於陰沃。揭浮樞

之上。旋標少廣與西陸。故駭宕喻哈。沖灑昇旭。

馮夷鼓鑄朱燧。潛燔黼黻燭煜。液冶焞

火酷切

歆

古沃切

矚睽無定熺光。相逐朝朝暮暮。非一而足。

衆色隱絢沙汰。皆燭若若巖坻。抵而奔觸。爛若

靈霞興而綠縵。震若宇宙翻而濺沃。靚地輪之

宵深焉。藪陟之儻局。若其踰波跳沫。靜然復出。

淪漣湑嶸。困泫湟滴。逮飄風欬响。滌鼓怒以洪

疾。飛颯礮以澈天。洑漣摧而萃律。滄析木以大

陵。播卷石以辟歷。灑霄極之搖扞。駭逸浪以顛

踣。迨中流之相擊。乃見洲嶼出沒。葦巘停峙。磔

磔龍從威裊

戶乖切

虜歸蔣岸。渺漭續紛旖旎。隨

波勢以增峻嶮游瀾之瀾瀾故總其爲山七十
有二信嶮突乎靈嶠之嶮嶮錯磳也又滇滇溶
溶若合若散固谷壑之岨第漫漬瀆漾也狀蓬
瀛之碣起何崖隙之漉礪絕津涘之屹嶮遠可
得其彷彿峽明月以奔溜落泉陽之無嚮包山
抗其崇深注震澤之深廣誠列仙之所廬混漫
汗而可想望縹緲之未分對孤騫於峯上杳雲
氣之結絡翳雲霧之漭蒼環以消夏霏霏靈靈
礪谷蕭邃莫釐之岑林屋壇洞邈不可尋毛公

升舉而睹遺墀玄夷探策而留玉軼

徒蓋切

入淵

底之窈幽憚濤聲之磕磕金庭八通越祠迂怪

玄闕石閭靈跡冥昧

叶莫待切

獨光氣時見聆若嘆

噫

叶烏界切

百神繫其往來南疑紛而倚待是以荒

阻窮奧迢若域外高遯違世陵扶傲睨拂俗之

士恒甘心於蛻駕盤桓以逸邁追鴟夷之絕往

餐浮涼以沆瀣察青翰與吳榜恣柎汎之所舩

敗

擊汰洄水之泃泃忽若凌風而一快欵杪秋

之遙夕心惆悵而緯繡斯固浩遠恢肆博大之

觀也。一與子洋洋於阡陌乎。先生曰：吾左滄海而右五湖，乘桴亂流，朝夕冀之。然願有俟也。

公子曰：揖讓周旋，是生敬恭。叔孫起朝儀，徐襄

為頌。容故音容俛仰，物有其衷。繭繭諮諮，詔於

禮宗。於是觀於少儀，以逮為邦。叶悲切弟子之職

冠昏而崇，諷日廟門，素鞞臨事，闌中闕外，有司

端筮，戒賓前期，亦象之。眡三日，乃宿。二者同出。

爰始陳服，玄黃雜裳，篋以六物，冠缺頰組纓。叶

良切卷幘，非古今不可望。正纚卒醮，惟阼是饗。叶

良切乃自下達，隆於作始。墨乘有祿，交盥贊洗，親

入說繫。良席北止，庖禮遂降，宵衣為訾。先生曰：

善哉！子之言禮也。吾乃今知不可復用也。

公子曰：未也。是儀也，非禮也。享覲禘郊，措之廟

朝，其數難知。類象實渚，若夫邦君會同，殷聘是

徵。叶陟切載幣受書，光國用寵。叶慶切叔氏世行游

吉之朋。叶蒲切媚於辭，命用謀能終。束帛之問，干

鹵則從。博辨知物，禮加彌尊。叶祖切大合諸侯，其

良咸在。於是觀禮，庸基於怠。州黎所不能規，夾

谷所不能駭。朝而爭承日中不解。牛耳之蒞誰
則不殆。狡禍衷甲意怒百倍。干讎齊盟張矜萎
隗。長我九伯未之有改。命則不姦孰余敢給。庶
哉美匡和協以待。此謂惟禮可以寧邦。國緝四
海。有威而可昭。從容宴豆而措光彩者也。吾將
假靈於先生以寵光之乎。先生曰禮之可以爲
人國固也。若交聘之使乘車之會。叔世之大夫
乃始有競心而不敦。非盛王之事。走實不佞。無
能宣其辭。今以知四國爲也。

公子曰游俠之雄豪賢之風。

叶膚眠切

名聲若日光

譽薄天。壺士若已代舍宿賓。

叶卑眠切

於是歸之如

流水。人人自謂得所甄。舉以角歌。拔以鈇彈。

叶徒切

公從車乘千上客若林。

叶徒賢切

操挈領要主約爲

講從合衡連。伏軾所至交譽其賢。爭發重使擁

帚郊迎。

叶女良切

願爲昆弟不敢當貺。

叶虛王切

千金取

酒十日宴饗。

叶虛良切

故其舉足偏重。罄咳成雷。去

則虞削來則忻恢。故一有所出賢於十萬之師。
一失其意閉關十年而不敢外窺。使馮喜燭過

貌辨李庇。杜赫仲連之屬。往來持說。爲通其契。赤章唐姑。樛里公孫。上地之徒。幾俟爲覆。以私其議。因變若化。不測所誘。御之飛箠。揣稱之掎。間巖而抵捷。又何祕。先生曰。危矣。其深計也。若是者。私威烈矣。亦安所至。

公子曰。信小節者。不能舉大名。不忍小耻者。無顯榮。顯有所爲。陰匿其情。絕甘勸分。算器諛輕。大者焉取。豈無攘搶。叶如圖刷耻汗與構輸平廣爲道穴。我獨得政。叶諸羈旅起貴寓寄成城

開闔由已。權壓位傾。豈與夫狷忿齷齪。溝瀆自剗。死名立枯。寧賢於生。此固詭道。徼遇依阿。當世而得顯名。厚實也。子豈無意乎。先生曰。親不軌之行。狎貪禍之徒。走既謝能於簡練。用不敢厠於陰符。

公子曰。乘權柄。政載盛。居寵勢。出田竇。超顯踰竦。肅則霜厲。喜則春溫。蟬聯赫奕。祿在其門。游龍驂驥。流水雕軒。爾其居則連櫬。反宇瓊扇。鉅窓洞房。峽榭藍田。璧缸懔懔。怵怵殷殷。泔泔厭

突覩之嚴闕就遄臺之愷宣。輒絺雲容吳紵皜
鮮臨水曲宴沃飶醢煎調熬甘滑滅鼎膏臙常
珍焉貴時膳旨新滋液馨烈炮炙鵠鶉魚俎麇
辟用蓼以淳。之純切鵬螭臙鱗蕩擊獷唇為軒。憲
若縷芎以櫛薑陽樸招搖土之華英。叶于良切玄山
之禾鑿蘖自香危露沮水甘菓沙棠重醴五齊
凍飲清涼選以承意蕙苾落桑於是疎賓既退
獨延親昵弛佩裳服簪珥出曼容命姣媚婷目
進二八侍玳瓌翠綵籍籍排排娉娉裔裔嫉光

綽態膚澤理膩宜睇善睠靡顏秀穉從薰服載
畢芷。叶敬呂切歌采芣詠白苧應歸昌中律呂雜巴

渝激流楚選淮南按盤舞柔縱翩翩飄目不得眄

奏節迴風之唱流連綠水之選揚翠翰之迅輕

耀金稱之婉僊陸離績繡騰歷獨翫妍袂斜標

鬱撓嘔醜變彼麗姿逞舉妖詿織穠異態百變

千轉姱脩曾華縵爛淫衍將絕更續抑而復顯

倏似秋葍鶩以颺卷颯沓徊翔綵燦開展低昂

中度軒若縹縹紫蜀芙蓉橫生綺踐岫芳萼榮

紛莠不辨。天矯微送。一何伐伐。窄步似驚。宛弱以淺。故其竦體。倒擗環旋。縈紆亭亭。涎涎靈靈。懊懊若初月流波。蕩漾空曲。澹淡有無。往而無轉呼。而無聲。又若風曳雪拽。搏搏忽忽。嫵嫵於圓切。娛姝姝。流艷淋漓。浥而不濡。調陽文之仄。宮競四上之出氣。曲未卒而復亂。入捷獵之急。綴奄若霧華泛影。嫵綽約以迢遞。映若崇蘭淹露。煙空濛而掩洩。駭逸宕之洞心。忽泮散以敏利。輕腰呈眩。以如組徊徨。欲審而未諦。促赴節之丸。

瀾尤繁麗而婉嫵。此仕而得意富貴者之所為。蕩耳娛視。媮肆自快也。子亦姑與人同欲乎。先生曰。耽聲味之嗜。縱汰流之失。誇讌游之奢。竊寵私之渥。此君子之所耻。誠不能數數。

公子曰。黃帝清冷之臺。四絕其階。基化人之所。翱翔若士之所。上排叶步切。橫九垓。以徑往。據青

冥之何倪。故燕齊海上方道。祕奇銜於神怪。興作靈祠。望氣見物。通天受釐。人自謂得形解。消化之術。超惚恍而升赫曦。遊遨乎神明之舍。千

秋萬歲以爲期。友安期於瑤之圃。與日月而齊
所覩。喟度世之無窮。豈延益假於含吐。飄飄極
迅。征於六漠。恣所往而不可以指數。是以秦漢
之君。忘黃屋之貴。屈雄心以用事。願仙去而自
甘。俯人俗如嬰累。向白雲而獨耽。其求之不憚
財力。昉幽渺而無不探。行萬里以冀遇。望蓬萊
方丈於溟渤之所漸。庶幾乘白日以策景。畢天
地而長淹。此亦希世邈絕。遠遊陵舉之至也。將
與子從事乎。先生曰。長年却老。養練踵息。此僕
夙心所圖。顧爲之尚未有驗。若子之言。請俟他
日。

公子曰。功用存乎一世。大業垂之後來。顯施於
博祗者。有盡。詔示於方冊者。遐哉。故自名其說
學一先生之言。尚其貴崇。誇汰休垂。遠聞廣有
所覩。而况原本古始。紹詩書禮樂。援則明世義。
存揚權。緣飾藻純。準 琯潤追琢。其言也。皆敦用
情質。忠信愿慤。章陳洪烈。純而無駁。是以刪述
墳素。當而不讓。假擅何嫌。正色以抗。籍氏所守。

三五以廷提槩載辭。繹明旨向筆。所與裁。豈其
有快。要歸百王法。由此創。此明聖之務。而緝業
者之所尚。惟博瞻淹該。宏蔚湛亮。婉緝與嚴。慨
激以儻密。致精理物。曲而暢。道術之所源。孰美
而無當。故觀賢士之用心。與才諳之深廣。去誠聲
不可得而測量也。且嘿而湛思。窮歷年歲。冥入
幽藐。突研微邃。悠乎目營。不可象類。吾見先生
之盡精厲意。殫神苦形。欲一有所用之日。亦可
概矣。當身之事。而不整齊之。以用勒成。詮次綏

誘敦誨。尚安遷延。退託徐之。而有待乎。先生曰
夫猖恣竊擅。此誕誣之爲誑也。猥陋隘謗。此繆
愚之用罔也。夸譎僞浮。此喜名之臆臆也。今不
知而作者庸可禁乎。而何取先聖之典。滅裂之
爲吾。且更驅策才藝。而徐收責於羣籍也。

公子曰。時者難值也。隆化者不世遇也。懷之乎
單極而適。不逢者豈所預哉。今累載皞熙。

列聖相繼。紹黃虞之絕光。隃夏子之所肄。德厚
洋溢。蚤涌芻魄。沉漬浹漸。滲漉充塞。誕彌方陞。

宣耀華狄。顯定成命。祇崇宥密。惠氣感暢。森流
蕩適。紛紜武節。迥遐凌劇。罔阻幽闇。昧而不浸。
淪孰含生之倫。而有未率。故宇內蒸作。孚格動
植。兆祥儲靈。辰象流焮。貞符休應。罔不曷奕。飛
黃伏阜。麟游於澤。駢抵之獸。九文之翮。翽不亂
羣。儀而接跡。雖復恭讓。不遑罷進。却獻抑止。圖
瑞不敢以薦。然奇異填積。餘珍騰羨。充仞郊野。
翔涌畿甸。匪創見而駭疑。奚倣儻而矜眩。顧休
茲之盛美。而猶勤勤懇懇。恐至道之不臻。羣生

之未繕。故祇抑栗欽寅。及逮晏麗。靡徹御惟德。
是選覽。納萬幾。訊咨士彥。是以圖書之府。文學
之囿。睹踰絕於在昔。記越成於徃舊。神懿和之。
穆風非篇籍之所究。欲纂述厥文。以垂諸後者。
無得而稱煌煌焉。巍巍焉。自有氏號以來。迄於
今而始邁。故事有研於百代。慮已出於五繇。詢
校飾以制成。睨簡牘之爲陋。謨訓庶其亮章。迪
顯服之並奏。者艾羣儒。故老英秀。方爭效智能。
攄畧術。務王造顛。蹶騁扶輿。驟改建告元。訂謀

輻輳。是固嚮沸波駭。桀舉高厲。興起盍歸之會也。豈終隱約玩世。詭時遐遁。掩抑而自蓋乎。先生曰。大明既昇。

皇曆昭泰。巨細畢庸。洪仁無外。走也。雖才力駑鈍。願隨子大夫之上計最也。

劉子威集卷之七

